

皇
清
經
解
續
編

皇清經解集編

皇清經解續編卷一百四十二

南菁書院

詩書古訓三

儀徵阮元芸臺著

小雅

論語子罕子曰吾自衛反魯然後樂正雅頌各得其所
禮記樂記師乙曰恭儉而好禮者宜歌小雅
春秋左氏襄二十九年傳爲之歌小雅曰美哉思而不貳怨
而不言其周德之衰乎猶有先王之遺民焉

荀子大略篇小雅不以於汙上自引而居下疾今之政以
思往者其言有文焉其聲有哀焉

鹿鳴燕羣臣嘉賓也

儀禮鄉飲酒禮工歌鹿鳴四牡皇皇者華 大射儀乃歌鹿

鳴三終

禮記學記宵雅肄三宮其始也

春秋左氏襄四年傳穆叔如晉晉侯享之歌鹿鳴之三三拜
韓獻子使行人子員問之對曰鹿鳴君所以嘉寡君也敢不
拜嘉

國語魯語下叔孫穆子聘於晉晉悼公饗之樂及鹿鳴之三
而後拜樂三晉侯使行人問焉對曰今伶簫咏歌及鹿鳴之
三君之所以況使臣臣敢不拜況夫鹿鳴君之所以嘉先君
之好也敢不拜嘉

孔叢子記義於鹿鳴見君臣之有禮也

淮南子泰族訓鹿鳴興於獸君子大之取其見食而相呼

也

史記十二諸侯年表仁義陵遲鹿鳴刺焉 孔子世家鹿

鳴爲小雅始

後漢書鍾離意傳鹿鳴之詩必言宴樂者以人神之心洽

然後天氣和也

人之好我示我周行

禮記緇衣子曰私惠不歸德君子不自畱焉詩云人之好我

示我周行

注行道也言示我以忠信之道

德音孔昭視民不怵君子是則是倣

春秋左氏昭七年傳仲尼曰能補過者君子也詩曰君子是則是效孟僖子可則效已矣 十年傳臧武仲曰周公其不

三才圖會卷之八
享魯祭乎周公享義魯無義詩曰德音孔昭視民不佻佻之
謂甚矣而壹用之將誰福哉

中論藝紀禮樂之本也者其德音乎詩云我有嘉賓德音
孔昭視民不佻君子是則是效我有旨酒嘉賓式燕以敖
此禮樂之所貴也

四牡勞使臣之來也

春秋左氏襄四年傳四牡君所以勞使臣也敢不重拜
國語魯語下四牡君之所以章使臣之勤也敢不拜章

王事靡盬不遑啟處

春秋左氏襄二十九年傳子展曰詩云王事靡盬不遑啟處
東西南北誰敢甯處堅事晉楚以蕃王室也王事無曠何常

之有遂使印段如周

韓詩外傳卷八李克曰臣聞貴而下賤則眾弗惡也富而分貧則窮士弗惡也智而教愚則童蒙者弗惡也文侯曰善哉言乎堯舜其猶病諸寡人雖不敏請守斯語矣詩曰不遑啟處

王事靡盬不遑將父

韓詩外傳卷七田過對曰非君之土地無以處吾親非君之祿無以養吾親非君之爵無以尊顯吾親受之於君致之於親凡事君以爲親也宣王悒然無以應之詩曰王事靡盬不遑將父

潛夫論愛日治國之日舒以長故其民閒暇而力有餘亂

國之日促以短故其民困務而力不足詩云王事靡盬不
遑將父言在古閒暇而得行孝今迫促不得養也

皇皇者華君遣使臣也

春秋左氏襄四年傳皇皇者華君敎使臣曰必咨於周臣聞
之訪問於善爲咨咨親爲詢咨禮爲度咨事爲諏咨難爲謀
臣獲五善敢不重拜

國語魯語下皇皇者華君敎使臣曰每懷靡及諏謀度詢必
咨於周敢不拜敎臣聞之曰懷和爲每懷咨才爲諏咨事爲
謀咨義爲度咨親爲詢忠信爲周君況使臣以大禮重之以
六德敢不重拜

駢駢征夫每懷靡及

國語晉語第十姜曰周詩曰莘莘征夫每懷靡及夙夜征行不遑啟處猶懼無及況其順身縱欲懷安將何及矣人不求及其能及乎

韓詩外傳卷七使者曰楚之去趙也千有餘里亦有吉凶之變凶則弔之吉則賀之猶柱之有推移不可記也故王之使人必慎其所之而不任以辭詩曰征夫捷捷每懷靡及蓋傷自上而御下也

我馬維騏六轡如絲載馳載驅周爰咨謀

墨子尙同中詩曰我馬維駱六轡沃若載馳載驅周爰咨度又曰我馬維騏六轡若絲載馳載驅周爰咨謀卽此語也古者國君諸侯之間見善與不善也皆馳驅以告天子

是以賞當賢罰當暴不殺不辜不失有罪

淮南子修務訓蓋聞子發之戰進如激矢合如雷電解如風雨員之中規方之中矩破敵陷陳莫能壅御澤戰必克攻城必下彼非輕身而樂死務在於前遺利於後故名立而不墮此自強而成功者也是故田者不强困倉不盈官御不厲心意不精將相不强功烈不成侯王懈惰後世無名詩云我馬唯騏六轡如絲載馳載驅周爰諮謨以人之有所務也

常棣燕兄弟也

春秋左氏僖二十四年傳富辰諫曰召穆公思周德之不類故糾合宗族于成周而作詩曰常棣之華鄂不韡韡凡今之

人莫如兄弟其四章曰兄弟鬩于牆外禦其侮如是則兄弟雖有小忿不廢懿親

鄂不韡韡

孔叢于廣訓鄂不韡韡言韡韡也

凡今之人莫如兄弟

春秋左氏昭元年傳趙孟賦常棣

注常棣詩小雅取其凡今之人莫如兄弟言欲親兄

弟之

國

死喪之威兄弟孔懷

春秋左氏昭七年傳又曰死喪之威兄弟孔懷兄弟之不睦

於是乎不弔况遠人誰敢歸之

列女傳政姊傳君子謂聶政姊仁而有勇不去死以滅名

詩云死喪之威兄弟孔懷言死可畏之事唯兄弟甚相懷
此之謂也

脊令在原兄弟急難

春秋左氏昭七年傳晉大夫言於范獻子曰衛事晉爲睦晉
不禮焉庇其賊人而取其地故諸侯貳詩曰鷦鷯在原兄弟
急難

兄弟鬩于牆外禦其務

國語周語中富辰諫曰人有言曰兄弟讒鬩侮人百里周文
公之詩曰兄弟鬩于牆外禦其侮若是則鬩乃內侮而雖鬩
不敗親也

妻子好合如鼓瑟琴兄弟既翕和樂且湛宜爾室家樂爾妻帑

禮記中庸君子之道辟如行遠必自邇辟如登高必自卑詩
曰妻子好合如鼓瑟琴兄弟既翕和樂且耽宜爾室家樂爾
妻帑子曰父母其順矣乎

春秋左氏襄二十年傳季武子如宋報向戌之聘也褚師段

逆之以受享賦常棣之七章以卒

注武子賦也七章以卒盡
八章取其妻子好合如鼓

瑟琴宜爾室家樂爾妻帑言二
國好合宜其室家相親如兄弟

韓詩外傳卷八曰賜欲休於事兄弟孔子曰詩云妻子好
合如鼓瑟琴兄弟既翕和樂且耽爲之若此其不易也如

木之何其休也

是究是圖亶其然乎

列女齊傷槐女傳景公卽時命罷守槐之役拔植懸之木

廢傷槐之法出犯槐之囚君子曰傷槐女能以辭免詩云
是究是圖直其然乎此之謂也

伐木丁丁鳥鳴嚶嚶出自幽谷遷于喬木

中論貴驗至言也非賢友則無取之故君子必求賢友也
詩曰伐木丁丁鳥鳴嚶嚶出自幽谷遷于喬木言朋友之
義務在切直以升於善道者也

神之聽之中和且平

韓詩外傳卷九子夏曰與人以實雖疏必密與人以虛相
戚必疏夫實之與實如膠如漆虛之於虛如薄冰之見晷
日君子可不畱意哉詩曰神之聽之終和且平

民之失德乾餱以愆

漢書宣帝紀詔曰夫婚姻之禮人倫之大者也酒食之會所以行禮樂也今郡國二千石或擅爲苛禁禁民嫁娶不得具酒食相賀召由是廢鄉黨之禮使民亡所樂非所以導民也詩不云乎民之失德乾餱以愆勿爲苛政

無酒酤我

漢書食貨志義和魯匡言名山大澤鹽鐵錢布帛五均賒貨幹在縣官唯酒酤獨未幹酒者天之美祿帝王所以頤養天下享祀祈福扶衰養疾百禮之會非酒不行故詩曰無酒酤我

天保定爾亦孔之固

韓詩外傳卷六小雅曰天保定爾亦孔之固言天之所以

皇清經義
仁義禮智保定人之甚固也

靡室靡家玁狁之故

漢書匈奴傳至穆王之孫懿王時王室遂衰戎狄交侵暴虐中國中國被其苦詩人始作疾而歌之曰靡室靡家玁狁之故豈不日戒玁狁孔棘

豈敢定居一月三捷

春秋左氏文十三年傳文子賦采薇之四章

注采薇詩小雅取其豈敢定居

一月三捷許爲鄭還不敢安居

昔我往矣楊柳依依今我來思雨雪霏霏

鹽鐵論備胡今山東之戎馬甲士戍邊郡者絕殊遼遠身在胡越心懷老母老母垂泣室婦悲恨推其飢渴念其寒

苦詩云昔我往矣楊柳依依今我來思雨雪霏霏行道遲
遲載渴載飢我心傷悲莫之我哀

白虎通三軍古者師出不踰時者爲怨思也天道一時生
一時養人者天之貴物也踰時則內有怨女外有曠夫詩
云昔我往矣楊柳依依今我來思雨雪霏霏

我出我車于彼牧矣自天子所謂我來矣

荀子大略篇天子召諸侯諸侯輦輿就馬禮也詩曰我出
我輿于彼牧矣自天子所謂我來矣

豈不懷歸畏此簡書

春秋左氏閔元年傳管敬仲言於齊侯曰戎狄豺狼不可厭
也諸夏親暱不可棄也宴安酖毒不可懷也詩云豈不懷歸